

## Beizetuur... Rohrbach – Huttwil am 11.11.11

Es isch wieder einisch so wit gsi... Fasnachtseröffnig und D'Gaugesumper hei ihri bekannti Beizetuur gha. Träffpunkt isch am haubi 7ni z'Rohrbach gsi vorem Rest. Bahnhof. Trotz verspätig heimers du de när ou gschafft. Si äüä es paari chli närvös gsi das paar sache chli nebe nang durre si wie z.b üebigsrum zuetue obwou no paari ihri tutti brucht hätte u vo dene vos tutti brucht hätte het niemer e schlüssu gha obwou si eigentlech eine hätte söue ha. Naja sege nur home sweet home. Het dem schlüssu sicher ou gfau sturmfrei. ☺

Nachdem dasmerniss vorem Rest. Bahnhof besammelt hei isches los gange und d'Gaugesumper hei im letschtjährige Kostüm \*macht die schotten dicht\* die Beiz grockt. Nachem erste Block hets gschnäu e chlin trink Pouse geh.. Merci viu mau für d'Getränk. Und natürlech het wie au Johr es Nöieli müesse kässele. Es grosses merci für die tolle Spände womer becho hei. Nachdem dasmer wieder gnue Suurstoff tanket hei simer no einisch hinger d Tuttis und Schleger und hei nomou Aues gäh. Nachdem Uftritt simer när wiiters uf Huttwil is Rest. Schultheissenbad. Mir heinis ufgstellt und hei ou dert aues geh wasmer hei chönne.. Genau wie hie hetz wieder nachem erste Block e Trink- und Verschnuffpouse geh. Merci tussen für d'Getränk. Und sowie scho im erste Restaurant het o do wieder es Nöieli müesse kässele.. Merci viu mou ou für die tolle Spände. Nachdem dasmer wieder gnue Suurstoff hei gha und ou die letschte vo üsne Gaugesumpfer wider si binis gsi, isches zum 2 Block gange.. Ou dert heimer wieder mou Aues gä... Isch haut scho cool e Gaugesumpfer zsi.. ☺

Nachem Schultheissebad isches de när zum Brunneplatz gange. Mir heiniss bir Chille äne ufgstellt und hei wöue loslege... Aber irgendwie het öppis gfäut. Aijo üser 2 aute Damene d'Susis. Nach wenige Minute warte uf üser alte Damene isches när ou los gange.. Trotz chüehle Temperature heimer doch es guets Publikum gha. Und merci a üse Tampi. Steit nid jede freiwiuig uf d'Stross und muess jedes mau dermit rechene dasme chönnt überfahre werde nur dasernis cha füere. Macht auso de ou nid jede Tampi mit. Guet ou nachdem glungnige Uftritt isch wieder es Nöieli ga kässele. Merci viu mou für die tolle Spändene. De isches no zum letschte Uftritt gange u mir si gloub aui chli froh gsi isches wieder id Wermi gange. Mir si zum Schluss is Rest. Rössli. Nachdem dasmernis aui irgendwie hei chönne ichequetsche heimer ou dert inne zeigt wasmer chöi. Aber irgendwie isch scho fasch chli komisch gsi.. chum simmer fertig gsi mitem erste block si recht viu usegange obwoumer ja si froh gsi dasmer id wermi heij chöne.. Hmmm isch gloub dran gläge das im Rössli ine 28 Grad isch gsi. Ou hie heimer ider Pouse wieder es Nöieli loh kässele. Merci ou hie für die tolle Spändene und für d'Getränk. Womer ner alli wieder chli gstercht si gsi und wieder gnue pfusse hei gha isches zum 2 Block gange. Und da ja 28grad isch gsi het üse tampi ou gad spassende Lied gha der Summer. Isch super gsi das gitz susch niene im Novämber 28 Grad das muessme scho beachte und gniesse. ☺

Ou bim 2 Block heimer no einisch alles geh. Nachdem dasmer ferti si gsi isch für jedermann freigsteut gsi was mache. Deu si hei deu si no gmüetlech zämä ghocket oder sogar es Huus wipers. De Obe isch für aui Super glüfe und mir hei wie immer es super Goudi gha zämä. E säge numme Es isch geil ä Gaugesumpfer zsi.